

## 開放文學－英雄傳奇－楊家府世代忠勇通俗演義 鍾離收回呂洞賓

次日，三通鼓罷，孟良、焦贊兩騎直殺近玉皇殿去。孟良砍倒真珠白涼傘，焦贊砍倒日月皂羅旗，正遇土金秀、土金牛二人殺到，兩下塵戰，孟良憤怒，將金牛一斧劈死。焦贊將金秀斬於馬下。番軍被宋兵砍死不勝其數。催軍攻打入陣，先射滅四十九盞號燈，其陣遂亂。二十八宿將官一齊殺出，被孟良、焦贊盡皆殺之。金龍太子見陣勢潰亂，勒馬逃走，被真宗架起翎箭射中左肋，墜馬而死。宋兵紛紛殺入陣中，宗保將火箭射上玉皇殿，燒著其殿，火燄滔天，燒死番兵無數。與孟良等合兵一處，遂破了玉皇陣。有詩為證：

大轟高牙玉皇殿，動搖閃電無窮變。

金龍傷箭入冥途，帝王勤勞功業建。

宗保既破了玉皇殿，遂下令諸將竭力克敵。著孟良攻打朱雀陣，焦贊攻打玄武陣，呼延贊攻打長蛇陣。軍令才下，孟良奮勇當先，引眾殺入朱雀陣。正遇番將耶律休哥挺槍來迎。戰上數合，不分勝負，忽陣外一聲炮響，劉超、張蓋殺到。休哥力怯，遂棄將台而走。孟良乘勢追擊，遂破了那朱雀陣。卻說焦贊攻進玄武陣，遇著耶律奚底，交戰十數合，奚底敗走，被焦贊趕上一刀斬了，殺散餘軍，遂破了玄武陣。六郎率眾攻打長蛇陣，耶律沙見陣勢俱亂，不敢迎敵，拖刀繞陣走出，宗保阻住去路，兩馬相交，未及數合，孟良、焦贊等從後殺到，耶律沙進退無路，遂拔劍自刎而死。

宗保下令攻打呂軍師之營。韓延壽見天門七十二陣被宋兵摧滅將盡，慌入問計於呂軍師。呂軍師怒曰：「黃口孺子，敢如此無知！吾自往擒之。」即引本營勁騎殺出，勢如河翻海沸。椿岩念動咒語，霎時間天昏地暗，走石飛沙。宋兵眼目盡開不得。宗保君臣父子諸將伏於馬上，心下十分驚恐。番兵四面砍來，宋人正在危急之際，鍾道士望見，幾步到於陣前，將袍袖一拂，其風飄轉，吹倒番軍，日復光明。椿岩見是鍾道士，慌忙回報呂軍師曰：「鍾仙長來矣，師父快走道罷。」化一道金光去了。鍾離見洞賓，喝曰：「小輩可恨，前言相戲，汝卻懷忿，降凡助番，傷損生靈無數。倘我不來，汝助番人殺了宋君，犯卻天條，其罪怎生逃脫！好好同歸蓬萊，逍遙物外，何等快樂！管此間帳，擔煩受惱作甚。」洞賓無言可答，於是遂與鍾道士駕著祥雲昇天而去。

卻說蕭后之營左右前後尚有七個仙姑陣，四個天王陣未破。宗保下令八娘、九妹、穆桂英、令婆、楊七姐、金頭馬氏、黃瓊女引軍攻打七個仙姑陣，又令五郎、岳勝、孟良、焦贊引兵攻打四個天王陣。眾皆得令，引兵攻打去了。

卻說八娘等殺卻番將韃靼令公等七人，楊五郎等殺入陣去，將耶律尚、耶律奇、兀術兒、不花顏兒四將盡皆殺了。韓延壽見軍勢消滅，忙奔入奏蕭后曰：「四下皆宋兵矣，請娘娘快走。」太后驚曰：「呂軍師何在？」延壽曰：「不知何處去了。」蕭后聽罷，慌張無計，遂載小車與韓延壽、耶律學古等望山後走回幽州。六郎知之，催眾將亟進追之。焦贊奮勇向前趕上，大叫曰：「羯狗速降，饒汝之死！」延壽回馬與焦贊交戰數合，延壽因牙將皆被宋兵殺死，心甚懼怯，槍法慌亂，被焦贊乘其破綻，奮力撥開延壽之槍，向前活擒而歸。孟良等竟進，番眾丟戈棄甲而走。學古等保著蕭后從僻路遁回幽州去了。楊宗保不一月間，將遼國七十二天門陣盡皆破了。殺死番兵四十餘萬，骸骨山積，血流成河。有詩為證：

胡虜秋高膽氣橫，楊家英勇耀邊城。

殺場血染征袍赤，白骨平原積滿盈。

六郎追趕蕭后不及，遂收軍還營，大獲全勝。次日，宗保升帳查點各處軍馬並所獲番人的器械、馬匹、所捉之將。忽步卒解韓延壽入帳，捆縛丟於階下。宗保指而罵曰：「臊羯狗不安本分，憑恃強梁，侵犯邊境，戕殘生靈，數十餘年。豈知今日天假我手擒捉，以除其患，為下民立命乎！不然，無時釀禍，民豈得其生哉。且汝居北番，自恃為英雄莫敵，今日何以被吾擒之？」延壽曰：「不必絮絮叨叨，請速加刑，今日我被汝擒，汝謂汝英雄矣。倘易其地，則英雄又在我矣。汝謂我害生靈，汝殺了我家四十餘萬軍兵，獨非害生靈乎！」宗保聞言大怒，令左右推出斬之。須臾時，梟了首級，號令訖。宗保令記功官彙諸將破陣功績，乃不見鍾道士，遂問諸將見否。卻有一卒入稟鍾道士喝罵呂軍師如此如此與駕雲飛去之事，宗保曰：「汝何以見之？」其卒曰：「蒙元帥差著小的服侍鍾道士，昨日跟隨他入陣，是以見之。」宗保曰：「原來卻是漢鍾離與呂洞賓也。」嗟訝不已。復吩咐諸將各依隊屯營，俟候聖旨。諸將得令退去。自是軍聲大振，四夷驚駭。

卻說六郎以眾將功績奏知真宗，真宗曰：「朕班師回京，廷議升賞。」六郎又奏曰：「便宜機會，自古難得。今趁番人之敗，乞陛下敕旨，命諸將長驅而進，直搗幽州，取其版籍，以絕萬世之禍根也。」帝曰：「軍馬勞苦太甚，且再休息幾年，計議進征未晚。」六郎遂退出營去。越二日，帝下命澶州三路軍兵仍前各歸原鎮，又令堅築關隘於九龍谷，命王全節、李明領兵鎮守，其餘征遼將帥隨駕回朝聽旨調遣。

聖旨既下，三軍盡皆歡悅。次日平明，軍分三隊，真宗居中隊，六郎在前隊，宗保在後隊，三軍離了九龍谷，悠悠蕩蕩，望汴而回不題。